

妙應大師往錢塘欲予贈行

大真宮室上方新歸去先垂紫詔人天目洞霄期過處星冠應
不肯風塵

庵居禱詠九首

甃瓦完齊土壁堅籬籬周匝沒踈穿人來謾笑無華旆風雨須
教安穩眠

庵前桃李春爭開雪裏見花惟有梅莫謂枝梢有分別根本自
異非人栽

春蠶絲盡卽生蛾秋燕雛成不泥窠山雉經時藏窟穴也能龍
化入烟波

道藏輯要

虛靖真君語錄

巽 又翼集七
川三〇

長松偃蹇不倚林枝幹高盤千畝陰昨夜酒醒風雨急半空彷彿
聽龍吟

南山雨過北山出昨夜月明今日晴雲氣自舒還自捲太虛萬
古常清明

莫羨庵居景物清須知樂自苦中生山前盡日幽尋客多說荒
蹊不可行

柴門雖設不曾闕賓客從他自往還連日山寒聲影絕蒲團危
坐更安閒

晴日暖風時出游冷烟淒雨便歸休雲還樵斧溪邊牧不似畸
人得自由

鐘聲鼓聲朝夕鳴茶烟炊烟先後生雲衣霞佩栖山客兀兀窮
年無一營

寄元規

白日未中氣色明玉壺興入西源行草堂羨我不共往竹風爲
汝致幽清

蓮花

淡淡紅生細細香半開人折寄山房只緣清淨超塵垢頗似風
流壓衆芳

勉弟子還山頌

昔劫因緣今劫會昨日顏容今日改世間滄海盡桑田慎勿重
道藏輯要

虛靖真君語錄

聖

又真集七
川

來呈傀儡

示湯弟子

子欲濟民非爲己我欲修道不憂貧直須勉強方成業只恐因
循易老人

傳度後作

道人願力如天溥度盡衆生方自度若還纖芥未蒙恩我終不
捨升天路

送九龍徐正之歸麻姑

步衝晴雪過前灘鶴跡雲蹤孰可攀也似來時無一物却疑歸
去是三山